

紹興謝洪賚編纂
丹徒趙玉森重訂

下冊

重訂瀛寰全志

上海商務印書館印行

商務印書館發行

章起渭譯傳運森校

西洋通史

洋裝一冊

一元六角

是書爲日本史學大家瀨川秀雄所著在日本出版後至今已易數版價值可想本館特爲譯行以裨學界原書凡分四大編第一編古代史第二編中世史第三編近世史第四編最近世史著者意在詳今而略古故第三第四兩編幾居全書之大半至其體例之妥善記述之明爽久有定評譯筆亦務求雅潔原期不失原意於人名地名尤極審慎原書偶有誤處必代爲簽出如檳榔嶼誤爲丕林島默麥河誤爲尼門河之類均就原書附加辨正不使貽誤讀者卷末附中西名稱表西文與譯名并列尤可得參證之益

第九百七十五號

Complete Geography

COMMERCIAL PRESS, LTD.

癸卯年十月初版
中華民國二年六月十三日
三年八月十五日

(重訂) 瀛寰全志 (二冊)

(每冊定價大洋陸角伍分)
附瀛寰全志地圖一冊大洋柒角

編纂者 紹興謝洪資

丹徒趙玉森

商務印書館

上海北河南路北首寶山路

商務印書館

上海棋盤街中市

商務印書館

北京保定奉天龍江吉林天津

濟南開封太原西安成都重慶

前清宣統三年四月初三日呈報五月十四日註冊

分售處

五〇一

※此書有著作權翻印必究※

瀛寰全志

第三編

歐羅巴

歐羅巴其天之驕子乎以員輿最小之一洲、剖分十數國、而宰制天下、巍然爲全世界之主人翁、迄於今日、而亞非海洋南北美五大壤、幾全爲歐羅巴人之附庸矣、噫嘻、曷克有此、吾他無能妒焉、妒其地理、

瀛寰全志 第三編 歐羅巴



瀛寰全志第三編目錄

- 一 歐羅巴總論
- 二 俄羅斯
- 三 歐洲土耳其
- 四 保加利亞
- 五 羅馬尼亞
- 六 賽爾濱
- 七 門的內哥
- 八 希臘
- 九 意大利 附三國馬馬耳他諸島主
- 十 西班牙
- 十一 葡萄牙

F227.16

十二

法蘭西

附

安道耳小國
摩納哥小國

十三

英吉利

十四

丹麥

十五

瑞典挪威

十六

荷蘭

十七

盧森不爾厄國

十八

比利時

十九

德意志

二十

瑞士

二十一

奧地利亞

一 歐羅巴總論

●位置

歐羅巴洲在諸洲內佔地雖小、而文明最盛、權力最大、位居東半球之西北、在北緯三十六度至七十一度十一分四十秒、西經九度三十分至東經六十五度、全在北半球內、其大半皆當溫帶下、

●疆域

北界北冰洋、東以烏拉山、烏拉河、裏海、與亞細亞分界、南界高加索山、黑海、地中海、而與阿非利加洲相對、西界大西洋、與北亞美利加遙對、其東西橫長、自葡萄牙之羅嘎角、至裏海之岸、約九千餘里、其南北自北角至馬達班角、七千二百里、面積三千九百四十二萬方里、約爲全陸十四分之一、亞細亞五分之一、阿非利加三分之一、亞美利加四分之一、全洲之形、爲一大土股、自亞細亞之西突出、又小土股若干、由其分支而出、

●地勢

○地面 歐羅巴全地界線最曲折、多半島海灣、故其地面之高下、亦端緒紛繁、約言之、高原分南北二部、南部自西班牙向東、直抵土耳其、北部即不列顛諸島、與斯堪的納維安二部之中、介以大低原、即俄羅斯國、東南起於裏海、黑海之交、至於東北之喀拉海濱、皆是也、高原面積共一千二百餘萬方里、低原面積共二千六百餘萬方里、全

洲之平均高度爲九百五十英尺、



山。山帶分二大支、居南者較大、居西北者較

小、東北烏拉山帶與亞細亞共之、其最高峯五千四百英尺、高加索山爲東南界、其最高峯約十里、阿爾卑斯山乃歐洲高地之中心、故爲大分水界、其最高峯曰勃郎克、譯卽白也、高九里、長年積雪、亞禾寧山爲意大利半島之脊、與阿爾卑斯山相連、平均高度四千英尺、其最高峯九千五百四十三英尺、積雪數月不消、卡批提安山在奧地利亞之東北、其最高峯九千五百英尺、波爾根山起自黑海、橫貫土耳其國、與卡批提安山共夾多瑙河流域、其最高峯九千八百英尺、餘支沿亞德里亞海、直至希臘南境、比里牛斯山爲法蘭西與西班牙之分界、最高峯一萬二千英尺、其餘支向西沿海曰坎大布連山、西班牙高



阿 爾 卑 斯 山

原內帶山數條、東西橫列、中央曰西溫尼斯山、南曰內華達山、最高峯一萬一千六百英尺、基阿連山、在挪威境、自東北向西、南爲斯堪的納維安半島之脊、最高峯曰司尼哈敦、計七千六百英尺、

③ 火山 火山發現之主要者、曰維蘇威、近意大利之那不勒斯城、曰埃德納、在西西里島內、高一萬八百英尺、最大者、曰亥革拉、在埃斯蘭島內、西西里之北利巴黎舍羣島內、有斯特蘭玻里火山、

④ 原 州之東北爲極大平原、佔全面積三分之二、南起黑海、北盡冰洋、東自烏拉山、西至北海、其最高處不逾一千二百英尺、東與西伯利亞大平原祇隔一烏拉山、多瑙平原、幅員次之、低度更甚、倫巴爾多平原、在意大利之北、土最肥沃、西班牙高原、爲歐洲諸高原之冠、高約二千六百四十英尺、沿阿爾卑斯山山麓、若瑞士與德國之南部、亦高原也、

⑤ 海岸 歐洲除東南外、餘俱繞海、其海岸線之長、計一萬九千五百英里、合計面積一百九十二英方里、有海岸一英里、爲各洲第一、以視阿非利加、殆增六倍、此文化之所以發達也、土股、土角、海灣、海股、最多、自北遞推之、則向北冰洋有喀寧與可拉二半島、突出

以擁白海、因海上多冰雪故名自是以西、有斯堪的納維安半島、自東北突出西南、分大

西洋與波羅的海、水淺味淡即冬令多冰共十六萬英方里羅斯的海之北、有波的尼亞海灣、其東有芬蘭海

灣、又東有利牙海灣、西南有丹錫嬌海灣、其水自大西洋流入、斯堪的納維安之南、有日

爾蘭半島、即丹國地向北凸出、其左右分挾喀德加特與斯喀基爾拉克二海峽、又與不列顛

諸島相望、中擁北海、又曰日耳曼海、英十五萬里不列顛諸島與大陸夾英吉利什海峽、其窄

處名多維爾海峽、廣十英里英格蘭與阿爾蘭之間、有阿耳什海、

大陸之西有大西洋、支流深入者、曰比斯開灣、風波最惡、西班牙半島、挺出於西南、幾與

阿非利加接壤、中隔直布羅陀海峽、廣四十里其東則地中海也、面積一百萬英方里、爲天下

最大之海、其水逐年加鹹、因流入者少、化散者多也、利溫與熱那亞二海股之東、有意大

利半島、狀如長靴、伸出東南、與大陸對峙、共挾亞德里亞海、其東爲巴爾幹半島、即土耳其

等與亞細亞共擁希臘海、島嶼星羅、故有多島海之稱、東過他大尼里海峽、廣三里有小海

曰馬爾馬拉、意即白石也、因其間有島產白石、再東出波斯波爾斯海峽、廣三里則黑海也、

面積十六萬英方里、形橢圓、水味較淡、受歐洲小半江河之水、黑海之東有裏海、實爲大

湖與黑海共夾高加索土腰、黑海北畔相連之淺湖、名曰亞速海、其深不過四十英尺、水色微黑、

意大利之南、有小海灣、曰大蘭多、又與西西里間、有墨大拿海峽、與土耳其間、有俄特蘭陀海峽、哥爾塞牙島與撒丁島間、有波尼法西俄海峽、英格蘭與阿爾蘭間、有北加納爾岔、

⑥ 島 北冰洋內有諾歪亞森力亞島、一名新地島與科

里圭甫島、其北有陸地相望、毗連北極、曰法蘭士約瑟、以奧皇之名名之也、其東南有斯密士保安羣島、在其東南、


挪威之西、有羣島曰羅佛敦、

大西洋內之島、以不列顛諸島、即英格蘭蘇格蘭阿爾蘭等島及冰島爲

最大、其北有數小羣島、曰發俄爾、意即羊島曰設得蘭、曰俄爾

哥內、曰喜布黎得斯、葡萄牙之西有小羣島、曰阿索勒斯、

波羅的海口、有西倫佛寧拉蘭三島、波羅那爾姆曷蘭、疇得羅三島、在瑞典之東南、近利



博 斯 波 爾 斯 海 腰

牙海灣、有阿塞耳與達基羅特二島、在波的尼亞海灣口、有亞蘭得斯華島、地中海內多島嶼、其重要者爲哥爾塞牙、撒丁、西西里、馬耳他、干地亞、以西西里爲最大、西班牙之東有巴里亞里斯羣島、希臘之西有伊奧尼亞羣島、其東南有阿治貝爾羣島、

⑦

土角 極北曰北角、在挪威北一小島上、極西曰羅嚨角、近葡萄牙京城里斯坡亞、極南曰大里法角、在西班牙之南、近大里法城、希臘之南有馬達班角、

挪威之西南隅曰那色角、意卽鼻也、丹國之北隅曰斯喀根角、蘇格蘭之北、有烏拉斯與東罕斯畢二角、阿爾蘭之北、有馬林角、南有克里阿角、英格蘭之西南隅曰蘭得斯英得角、意卽地極也、法蘭西之西北有馬特見攸角、西班牙之西北有俄爾地高耳與非尼斯特里二角、維森特角、則在葡萄牙之南、意大利之南有斯巴地文陀與三大馬利亞的留卡二角、

⑧

江河 全洲大半斜向東南、小半斜向西北、西北河少而短、曰伊什瑪河、長二千七百里、在俄國東北、發源烏拉山、北入冰洋、曰土味拿河、注入白海、長二千四百里、曰都納河、入利牙海灣、曰瓦薩、長一千六百里、曰河得、長一千六百里、並入波羅的海、曰易北、長一

千八百里、曰威悉、曰萊尼河、長二千一百里、曰延細斯、曰賣士、並入北海、萊尼之支河、左曰伊塞耳、右曰瓦爾、西向流入大西洋者、有色因河、羅亞爾河、日倫大河、斗羅河、德人河、瓜的牙納河、瓜到基維爾河、東南曰厄波羅河、曰羅尼河、入地中海、曰波河、入亞得里亞海、曰多瑙河、長五千一百里、灌域面積三十萬英方里、曰得尼熱普爾河、長三千三百里、曰得尼斯特爾河、並入黑海、曰頓河、長三千三百里、入亞速海、曰窩瓦河、爲歐洲第一巨川、長六千六百里、灌域面積五十五萬英方里、與長二千七百里之烏拉河、同入裏海、多瑙河之支流、北有推斯河、亞耳特河、普魯斯河、南曰摩拉瓦河、得老河、得里



萊尼河畔之城



萊尼河瀑布

納河、騷河、高瓦河多瑙河之分一流域

多瑙、萊尼、羅尼三河之發源處相距不遠，末流乃大歧異，大率東部俄境之川，水流甚緩，舟可直溯其源，以其地勢平坦也，河之發源阿爾卑斯山者，其流皆急，尤以羅尼河爲最，
九 湖 湖之大者，俄境有拉多牙爲全洲最大之湖，其水自尼華河與芬蘭海灣通，次曰阿尼牙湖，瑞典有威德爾湖，威內爾湖，瑞士有給尼發湖，羅尼河過之，君士坦湖，萊尼河過之，奧地利亞有湖曰普刺甸，意大利與瑞士多小湖，以風景著。

四 天氣

○ 歐洲僅少許在北寒帶，餘皆在北溫帶內，與同緯度之大陸比較，則較和暖，南部地中海濱，每年平均溫度，在法倫表五十九度至六十六度，黑海濱四十一至五十三度，冬夏之差，不甚懸殊，中部較寒，近大西洋濱，平均溫度爲三十七至五十九度，波羅的海濱，自三十七至五十度，爲文人最盛之區，北部寒威漸增，北冰洋岸平均十九至三十二度，然較他洲，尙爲溫暖，如亞細亞在此緯度，人煙殆絕，而歐洲北方英、俄、瑞典、挪威等國，皆文化發達之區，卽至北圓線，仍可居人，且建有二三都會，考其氣候溫暖之故，蓋大西洋中有暖流，自墨西哥海灣東來，繞其西北，調劑寒暑，故北方東部之地，距暖流漸

遠則漸寒矣、

① 風 西部多西南風、東部多東北風、自北冰洋來之風、寒冷徹骨、南自阿非利加來之風、熱可炙物、阿爾卑斯山中有奇風、熱而甚乾、亞得里亞海地中海內之風、勢頗猛烈、然每年罕遇風災、

② 雨 各處不一、近大西洋西南最多、地中海濱次之、東南及極北皆少雨、今分爲六部、列表於左、

一	二	三	四	五	六
北圓線內	西北海岸	西南海岸	東南內地	中央地	南部土股
天氣寒冽	暖流附近	天氣溫和	寒暑均盛	天氣中和	天氣炎熱
雨少	雨最多	雨多	雨少	雨不多	雨適中
	一百至一百八十寸	九十至一百八十寸	七至十九寸	十五至二十三寸	二十三至四十三寸

五 物產

○ 鑛產

金、銀、銅、鐵、鉛、錫、煤、石鹽、俱有、而無寶石、烏拉山與奧地利亞產金、銀、

西班牙與奧地利亞多產水銀、瑞典多產佳鐵、比法德等國多產白鉛、英國鑛產最富、所出鐵供全洲之半、銅與鉛亦然、煤供四分之一、錫則全洲幾盡賴之、西班牙亦多銅鉛、石鹽鑛以奧英二國爲最大、餘如鈷、鎢、鎂等、亦皆產之、歐洲每年產煤三萬萬噸、爲全世界百分之六十三

② 植物 南方植麥、米、珠粟、甘蔗、荷蘭薯、葡萄、橘、橄欖、林有軟木、栗樹、中部暖處、可種葡萄、

然以粟田草地爲最多、種薯甚廣、果以蘋果、梨、栗、爲主要、又多植苧麻、林有橡、櫟、等樹、北部種粗麥、大麥、樹多松、迨漸近北寒帶、植物漸稀、樹僅高數寸、餘但見苔蘚而已、歐洲

產麥荷蘭薯類爲六洲第一計小麥二萬五千萬石粗麥數同大麥一萬三千萬石

③ 動物 家畜以馬、牛、綿羊、山羊、豕、犬、爲主要、西班牙之驢、大而美、馬多產於俄德、牛多

產於荷比德法、北部有獐鹿、俄羅斯之南、產駱駝、食肉獸惟豺狼熊而已、無獅虎等猛獸、

猴惟於支伯拉德磐石上偶一見之、歲產羊毛可值一萬萬圓

鳥之羽毛、不以文采見長、而聲音多可悅耳、食肉之鳥、有鷹、鷂、鵬等、不列顛諸島附近多

青魚、北方諸河盛產鱒魚、多瑙河窩五河內產鱒、南部有多處養蠶、

④ 工商業 歐人農工商業、俱善經營、尤以條頓族諸國爲最、小農躬耕田畝、北方畜牛、

南方製酒、大農則用機器、自播種以至打穀、無不藉機器以省時日、馴至電光可助植物之長、藥料可變蔬果之味、誠可謂巧奪天工矣、工人競出新製、日創利器、安則紡織、印書、造紙、造磚等、危則鐵甲、槍礮、水雷、潛水艇等、無不精益求精、近日飛行機漸盛、從事空中營業、尤於兵事商事、關係重要、尋常服用之物、各大城皆廠所連雲、爐火達旦、商務之廣、徧及全球、尤以英國之商舶爲最多、

● 人民

◎ 人數

共三萬八千萬人、約爲全地人數四分之一、勻計每一英方里約一百人、爲六洲中人口最稠之地、中以比利時國爲最密、計每英方里五百八十九人、英格蘭與威爾士次之、約五百五十八人、荷蘭又次之、約四百二十九人、法國一百八十八人、俄國五十一人、挪威最稀、十八人、約言之、則最密者西部中部及南部次之、東部稍稀薄、至北部寒野、每英方里、不過二三人而已、

◎ 種族

歐洲人種、大抵屬高加索種之阿利安族、惟東南有蒙古利亞種、如匈牙利人及土耳其人是也、俄國之東南、亦有韃靼等支、屬蒙古利亞族、

阿利安族、隆準深眶、膚色較白、故稱白種、因天氣地勢之殊、而容貌性質、遂亦不同、別之